

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput I. Occasione verborum, quæ habentur in præfatione primi ræcepti,
explicatur modus quo servanda sunt Dei & Ecclesiæ præcepta.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

LIBER DECIMUS.

De Præceptis Decalogi.

PErvenimus ad Amorem cantantem canticum novum, in Psalterio decem chordarum. Cantate enim amantis est, & charitas (inquit Augustinus serm. 233. alias 18. de divers. c. 1.) cantat canticum novum. Nam timor ille servilis, in veteri homine constitutus, potest habere Psalterium decem chordarum: quia & Iudaï carnalibus data est ipsa lex decem præceptorum; sed cantare in illa non potest canticum novum. Sub lege est enim, & implere noi potest legem.... Qui autem sub gratia est, non sub lege, ipse implet legem.... Spiritu enim dilectionis accessus, jam in Psalterio decem chordarum cantat canticum novum. Et quid cantat, nisi amorem novum? Quid enim habet canticum novum, nisi amorem novum? Cantare amantis est, vox hujus cantoris, fervor est sancti amoris, ait idem serm. 336. alias 256. de temp. Non cantabant ergo canticum novum Iudaï, qui terrenorum adipiscendorum amore, & amittendorum timore, Dei præcepta servabant; immo non servabant, sed sibi servare videbantur. Neque enim fides in eis per dilectionem operabatur, sed terrena cupiditas, metusque carnalis. Unde Salvator, qui non diligit me, sermones meos non servat, Joan. 14. Et si enim Dei mandatum videtur aliquando à non diligenteribus, sed à timenteribus fieri; tamen ubi non est dilectio, nullum bonum opus impetratur, nec rectè bonum opus vocatur. L. 3. contra 2. epist. Pelag. c. 4. Denique non cantat canticum novum in Psalterio decem chordarum, nisi qui Deum diligit & proximum. Quia (ut rufus ait Enchir. c. 121.) omnia præcepta divina referuntur ad charitatem, de qua dicit Apostolus: Finis autem præcepti est charitas, de corde paro, & conscientia bona, & fide non ficta. Omnis itaque præcepti finis est charitas, id est ad charitatem referuntur omnia præcepta... charitas ista Dei est & proximi. Et unice in his duobus præceptis tota lex pendet & Propheta. Adde Evangelium, addæ Apostolos: non enim aliunde vox ista est: finis præcepti est charitas. Et Deus charitas est. Quacumque ergo in Psalterio decem chordarum mandat Deus, ex quibus unum est: Non mœchaberis: & quacumque non jubentur, sed spirituali consilio mo-

P A R S I. A M O R R E L I G I O S U S.

Ad primum Decalogi præceptum: Dominum Deum tuum adorabis, & illi soli servies.

C A P U T P R I M U M.

Occasione verborum, quæ habentur in prefatione primi Præcepti, explicatur modus quo servanda sunt Dei & Ecclesiæ præcepta.

Primo Decalogi præcepto Exodi 20. præmititur hæc præfatio: Ego sum Dominus Deus tuus, qui eduxi te de terra Ægypti, de domo servitus; subjungi- Tom. II.

turque comminatio pœnarum transgressoribus & misericordia magna observatoribus promissa: Ego sum Dominus Deus tuus fortis, zelotes, visitans iniquitatem patrum in filios, in

a

Liber Decimus.

ij
tertiam & quartam generationem eorum qui oderunt me; & faciens misericordiam in milia his qui diligunt me, & custodiunt precepta mea. Quæ licet specialiter dicta sint ad primum præceptum, consideranda tamen sunt velut motiva, quibus homines inducendi sunt ad observantiam divinorum quoru[m]cumque præceptorum. Neque enim solos Israëlitas, sed omnes univer[sim] homines, obligant Decalogi præcepta: utpote legem naturalem continentia; sed maximè obligant Christianos, eosque tantò magis quam Judæos, quantò pluribus & majoribus à Deo beneficiis devinetti, ceteris fideliores ferventioresque esse debent in observantia mandatorum. Verùm enim verò quam languide & defectuose ea uplurimum obseruant, qui tamen obseruant! Certiores nos facit Veritas in Evangelio: *Nisi abundaverit justitia vestra, plusquam Scribarum & Phariseorum* (qui mandata exteriora obserabant, ut viderentur ab hominibus) *non intrabitis in regnum calorum.* Sed quam multorum Christianorum justitia non abundat plusquam Scribarum & Phariseorum! Ut enim modò prætermittant eos, qui præcepta non servant (quorum infinitus est numerus) quam multi ex ipsis sunt, qui ea non melius servant, quam Scribæ & Pharisei, sed modo æquè defectuos!

2 *1°.* namque quam multi templum dominicis diebus adeunt, ut hominibus videantur boni Christiani; imò ut ibi istos vel itas oculo minus casto contemplentur!

2°. quam multi præceptum jejunii v. g. obseruant inviti: quia non habent carnes suas comedant; vel quia incurvare timent notam mali Christiani!

3°. quam multi præcepta custodiunt merè ob finem temporalem, v. g. debita solvendo, ne majores expensas incurvant, vel dominis merè ad confequendam mercedem temporalem obediente!

4°. quam multi, etiam ex iis qui voluntariè, & sine fine malo, nec finem temporalem exprefse intendentis, præcepta custodiunt, nec cogitatione, nec affectu, Deo vel Ecclesiæ intendentis obedire! Obtemperant v. g. parentibus, vel aliis Superioribus; sed simili prorsus modo, quo ipsis obtemperant Ethnici. Ecclesiæ jejunia & abstinentias servant quidem, sed nunquid ut obtemperent Deo per Ecclesiæ præcipienti? de eo ne cogitant quidem, ideoque mortuo obtemperant modo.

5°. quam multi carent à prævaricatione præceptorum, sed timore pœnae, non amore justitiae, similes filiis, vel famulis, parentum, vel dominorum iussa facientibus, quia timent verbera, vel expulsionem è servitio! Iti sunt quos præcepta non servare ut oportet, tot tamque apertis testimonis inculcat Augustinus proximè relatus.

Ad servandum igitur præcepta prout oportet, ex Dei amore, Deique intuitu servanda sunt, prout Augustinus ibidem dicit, videlicet

quia Deus vult, quia sic placitum est Deo, &c. Quod etiam locum haberet in hominum præceptis, attento quod non est potestas nisi à Deo, quodque legitimus quicunque Superior Deum repræsentat, ideoque Deus per ipsum præcipit.

Et ad significandum modum istum servandi præcepta, Deus in principio Dæcalogi, verba ista voluit considerari: *Ego sum Dominus Deus tuus, qui eduxi te de terra Ægypti.* Quasi diceret: ut sciat dignum & justum esse, quod obediatis mihi, & quo modo obedire debeatis, considerate, quod ego sum Dominus Deus vester, qui eduxi vos de terra Ægypti, &c. Nam si ego Dominus Deus vester, vos etsi creaturæ meæ, subditique mei. Me ergo honorare debetis per obedientiam vestram, per eamque probare, quod ametis me, summum benefactorem vestrum, qui tam mira & stupenda prodigia feci, ut educerem vos de terra Ægypti, de loco utique tam duræ servitutis, quam vos Pharaon opprimebat. Quod si præcepta mea propterea custodieritis, per eorumque custodiā vestrum in me amorem, & pro tot ac tantis beneficiis gratitudinem demonstraveritis, misericordiam meam magnam sentietis, per retributionem aeternam felicitatis. Sin autem, experiri vos faciam quod sim Deus fortis, zelotes, visitans iniquitates patrum, &c. quia nimis tantò graviora, tantò proinde majori pœna digna sunt peccata vestra, post tot & tanta beneficia.

C A P U T II.

Specialiter expenduntur verba ista: Deus tuus.

PEr ea namque populo Judaico Deus representare voluit speciale, quam habebat, obligationem Deo, per præceptorum suorum observantium, serviendi præ ceteris gentibus; quibus in idolatria sua relictis, se populo Judaico manifestaverat. Et hinc Psalmista dicebat: *Non fecit taliter omni nationi, & judicia sua non manifestavit eis. Natus in Iudea Deus, in Israël magnum nomen ejus.* Ob hanc igitur rationem Deus ab Israëlitis merito exigebat, ut ab ipsis specialiter honoretur, coleretur, & obediretur. Ad cuius evidentiam

Observandum, quomodo Deus, præ ceteris nationibus, se manifestaverit Abraham, Isaac, & Jacob, à quibus descendit populus Judæus. Abraham habitat in Ur Chaldaeorum, ubi idolatria dominabatur, sicut & in reliquis populis Orbis terrarum. Maximum fuit beneficium istud, quo Abraham de Ur Chaldaeorum educatum, ab idolatria eripuit, verumque Dei cultum edocuit, sicut & postea edocuit descendentes ipsius, Isaac, Jacob, ac deinde Judæos, annuntians verbum suum Jacob, & judicia sua filii Israël. Si enim in idolatria cum reliquis populis reliqui fuissent, in peccata innumera, sicut ipsis, pro-